

Lub 3 hlis tim 14, 2020

Lus tshaj qhia los ntawm Hauv Paus Tsev Kawm Ntawm Ntawv Tus Tuam Thawj Tswj Nelson

Xws li koj paub, Hauv Paus Tsev Kawm Ntawv Fresno tau muaj qhov kev txiav txim siab nyuaj tshaj plaws los mus kaw tag nrho cov tsev kawm ntawv rau cov tub ntxhais kawm ntawv pib rau hnuv Monday, lub 3 hlis tim 16 mus txog rau lub 4 hlis tim 13. Peb yeej pom tau lawm hais tias qhov kev txiav txim siab no cuam tshuam loj rau peb cov tsev neeg thiab peb lub zej zog, tiam sis, vim txoj kev ceev faj los ntawm ntau yam, **peb ntseeg tau lawm hais tias qhov kev txiav txim siab no yog tej yam kev nqis tes ua uas zoo tshaj kom pab txo qis txog txoj kev tsam muaj kev kis tus kab mob.**

Peb cov thawj coj tab tom mob siab ua hauj lwm los mus qhia tej xov xwm tshiab rau peb cov tsev neeg, neeg ua hauj lwm thiab lub zej zog thiab peb ua tsaug rau nej txoj kev siab ntev. Yog li ntawv, thov saib tej yam xov xwm qhia tshiab nram qab no:

Zaub mov noj rau Cov Tub Ntxhais Kawm Ntawv

- Hnuv Monday (3/16/20) thiab hnuv Tuesday (3/17/20) kev noj tshais thiab su yuav muaj pub rau tag nrho cov tsev kawm ntawv rau lawv cov sij hawm noj li qub.
- Pib rau hnuv Wednesday (3/18/20) peb yuav muaj txoj hauv kev zoo tshaj los mus faib zaub mov thiab mam li muab coj los qhia txuas ntxiv mus.
- Cov zaub mov yuav muaj muab raws li kev tuaj nqa thiab coj mus noj lawm xwb
- Cov tub ntxhais kawm ntawv muaj peev xwm mus nqa cov zaub mov noj ntawm Hauv Paus Tsev Kawm Ntawv Fresno lub tsev kawm ntawv twg los tau; lawv tsis tim tsum mus rau tom lub tsev kawm ntawv lawv cuv npe kawm.

Tub Ntxhais Kawm Ntawv Tej Tshuaj

Nyob rau hnuv Monday, lub 3 hlis tim 16 thiab hnuv Tuesday, lub 3 hlis tim 17 li thaum lub sij hawm kawm ntawv li qhov qub, tag nrho cov tsev neeg muaj peev xwm mus taug qab txog lawv cov me nyuam cov tshuaj uas tau muab tso rau tom tsev kawm ntawv

Cov Kev Pab Rau Kev Kawm

Peb paub txog qhov tseem ceeb ntawm txoj kev poob lub sij hawm qhia ntawv uas cuam tshuam txog peb cov tub ntxhais kawm ntawv txoj kev kawm. Peb tab tom ua hauj lwm rau txoj kev los mus npaj lwm yam kev pab rau kev kawm ntawv nyob rau lub sij hawm peb tsis tau pom dua no. Peb yuav muaj ntaub ntawv tshaj qhia los ntxiv rau yav tom ntej no.

Dhau ntawm kev mus muab zaub mov thiab tshuaj lawm, tsev kawm ntawv cov chaw ua hauj lwm thiab hauv paus tsev kawm ntawv cov chaw ua hauj lwm yuav raug kaw rau zej tsoom sawv daws kom tiv thaiv txoj kev kis tus kab mob COVID-19. Tiam sis, rau tag nrho cov lus nug thov hu mus rau ntawm Hauv Paus Tsev Kawm Ntawv Fresno COVID-19 Qhov Chaw Teb Xov Tooj ntawm (559) 457-3395 thaum lub caij ua hauj lwm li qub.

Nyob rau lub sij hawm tsev kawm ntawv raug kaw no, peb xav qhia kom cov tub ntxhais kawm ntawv thiab cov tsev neeg kom nco qab ntsoov txog kev noj qab haus huv thiab soj ntsuam txog kev ruaj ntseg xws li kev ntxuav tes thiab nyob kom nrug deb ntawm lwm tus tib neeg. Qhov kev kaw tsev kawm ntawv no yog tsim coj los pab txo kom tsawg txog txoj kev kis tus kab mob no thiab yog hais tias peb cov tub ntxhais kawm ntawv thiab tsev neeg los nyob ua ke ua tsheej pab tsheej pawg yuav ua rau muaj kev nyuaj tsis raws li lub hom phiaj tsim los tiv thaiv cov kab mob no.

Xav paub txog xov xwm tawm tshiab, thov mus saib txuas ntxiv rau ntawm fresnounified.org.